

## **Erich Bolinius**

Bericht über Kickers Emden

Sendung „Flutlicht“ auf Radio Ostfriesland

Donnerstag, 15.9.2011 18.00 Uhr auf 94.0 bzw. 87,7

Moin, leev Toehörers,

in de letzte Spölen tüsken Eintracht Nordhorn und Kickers Emden gung dat immer hoog her. Rood un Geel Kaarten wurden glik in groot Tahl vergeven. Dit Maal sull dat all anners worden, dat meenten toeminnst de Emders. De Nordhorners, so kunn man in 't Bladd lesen, sachen dat anners.

Un so kwamm dat ok. Schiri **Murat Yilmaz** van FC Türkiye Hambörg gaff 'n Hopen Geel Kaarten un smeeet Thilko Boekhoff van 'd Platz un verwees Trainer **Uwe Groothuis** un sien Assi **Jens Jaschob** up de Tribüne. Insgesamt truck de Schiri 12 maal de Geel Kaart, dorvan acht tegen Kickers und eenmaal Geel-Rood. Un dorbi was dat Spöl gaar neet maal so unfair. De Schiri hett wall 'n heel slecht Dag hat.

För Kickers gung dat goed löss. Völ beter as tegen Osnabrücks II. wor man mit 0:3 verlor. Na 'n fein Kombination gung Kickers in Föhren. **Adan Coronado** setteste sük up de rechte Kant dör, spölt de Ball in de Middent un **Aaron Thalmann** treckt ut 18 Meter of. Sien Flachskoet landt toe 1:0 in 't Nett. Dorna gung Kickers in de Defensive un setteste of un toe 'n Konter. Nordhorn leet keen groot Kansen toe, man sülvst moken se ok neet völ.

Na de Paus sach dat Spöl bold nettso ut as vörher. Nordhorn was overlegen, man Kickers dör fell Tegenstöten immer gefahrelk. In de 51. Menüte word Kickersstörmer **Andreas Gerdes-Wurpts** van **Manuel Menzel** bedeeent, man he deit de Ball neet recht treffen un skütt hum over dat Tor. Nordhorn full ok neet völ in, man in 68. und 72. Menüte harren se dör Koppballen heel groot Kansen.

Dann full heel unglückelk dat 1:1 dör Nordhorn. Een umstredende Freestöt van **Herion Novaku** kann Kickers-Torwart **Sebastian Patzler** noch ofwehren, man tegen de Naskoet van **Maik Bollman** kann he nix maken. Dat was in de 85. Menüte. Würrelk skaa, dat dat Tor tegen Kickers noch fallen is.

Weer wurr also blot een Punkt haalt. De fievte Platz in de Oberliga Neddersassen, de an Enn van de Saison för de Upstieg notwennig is, kunn neet haalt worden. Man mörgen unner Flutlicht tegen Cloppenburg kann Kickers 'n Bült weer goed maken. Unner Flutlicht – un is ok noch Schützenfest – is Kickers immer goet. Ik reken fast mit 3 Punkten. Tipp 'n 2:1 för Kickers.

Was moi, wenn maal weer dusend Toekiekers in dat Oostfreesland-Stadion kwammen. De Vereen un de Mannskupp hemmen dat verdeent.

So, as alltied, noch 'n heel kört Foetballwitz:

De schottische Nationalmannskupp hett 'n Spöl wunnen. De Trainer kummt in de Kabine un seggt: „Jungs, ji hemmen wunnerbaar spölt. Ji hemmen joe ok 'n Erfrischung würrelk verdeent. Los, John, maakt dat Fenster open!“

So leev Toehörers van Radio Oostfreesland,

ik hoop, Joe hett dat Plattdütsk gefallen, denn mien Motto heet ja alltied, plattdütsk dürt - nettso as Kickers Emden – neet unnergahn.

Bit anner Maal

Joe

Erich Bolinius ut Emden-Petjem.